

Incumbensa da la Cumissiun per giustia e segirezza (CGS) concernent la coordinaziun da la strategia chantunala d'immobiglias cun la refurma da las dretgiras 3

Sin basa da la dumonda dal deputà Gian Michael en l'ura da dumondas durant la sessiun da december 2020 inoltescha la Cumissiun per giustia e segirezza la suandanta incumbensa da cumissiun. Las directivas da la refurma da las dretgiras 3 èn vegnidas concluidas dal Cussegl grond en la sessiun da zercladur 2019. En quest rom è previsa la reuniun da la Dretgira chantunala vertenta e da la Dretgira administrativa vertenta ad ina Dretgira superiura. La reuniun premetta ina sedia unida da las dretgiras da bel principi. Er sunter ils ultims eveniments en las dretgiras superiuras sto vegnir priorisada la refurma da las dretgiras. En quest connex incumbensescha la CGS la Regenza sco suonda:

1. La Regenza conferma che la strategia d'immobiglias dal chantun Grischun n'ha nagina influenza sin la realisaziun temporala da la refurma da las dretgiras 3.
2. La Regenza vegn a tractar las dumondas areguard las localitads da la nova Dretgira superiura cun prioritad sco er ordaifer ed independentamain da la strategia chantunala d'immobiglias.
3. La Regenza mussa opziuns per metter a disposiziun a temp il vegl edificium chantunal.

Tavau, ils 9 da december 2020

Derungs, Schutz, Cantieni, Casty, Flütsch, Müller (Favugn), Perl, Salis, Widmer (Favugn)